

1 TIMOTIY

Pol Minj Nind Ak Timotiy Nup Tikak Minim Nind Ninjep

Timotiy miñmon nuk ak Liystra, Galesiya propens nimb. Nonim nuk ak Jiwda nimb, nop ak Griyk nimb. Nuk bi paranj mindiy, Jiysis nup kisen nep chingek, Pol nup dand tanğyınğ, Jiysis minim tep ak ańǵıyınğipiy. Pol minj day nind Timotiy nup tikak biy, minim yomb ar omıñal nokom ańgak.

Minim bap ańgak ak, “Biynimb Jiwda yipund giy gok sek, Jiwda mer gok sek kilrimey gipay ar ak, nimb yip ma ginimimb ańgiy” tikak. Minim ar bap ańgak ak, bi Gor biynimb kond mindep gok dining, bi Gor nup gosimb ninjy, biynimb direp ginińgiy gok nep ninjy dinimimb ańgak.

Pen minim kisen ańgak ak, Timotiy nup, yergiy Gor nup bi wońg giñemb tep ak mindiy, Gor biynimb nuk gok kuyip, kond mindenińgamb minim ak ańgak.

Minim Ar Keykey Mindip Rek:

Minim nind ańgak ak mindip, chapta 1:1-2.

Biynimb Gor apiyminay kuyip chingyak gok sek, bi kuyip kond mindep gok sek kuyip, minim ańgak ak mindip, chapta 1:3-3:16.

Timotiy nup wońg minim ar ak, ańgrop gak minim ak mindip, chapta 4:1-6:21.

¹ Yand Pol. Gor apiyminᵛay chinup pisnep diy dand amningayr anᵛiy niᵛbun omiᵛal ak nep, yip anᵛer, Jiysis minim dand amemb ak mindpiyn.

² Timotiy. Yand nep anᵛrep genik, Jiysis nup gosimb niᵛban ak; nip ñi yand apiyn. Bapiy Gor yip, Biyomb chin Jiysis Krays yip nip simb niᵛiy, kond mindrep ginimiy.

Minim Yesek Anᵛningiy Ak Ma Dinimimb

³ Yand Yipiyses mindiy, Masedoniya propens amning, nip kun okok anᵛgay, biynimb Gor minim aspun anᵛiy minim yesek apay gok kuyip anᵛgenimin, minim kun ak kirginiᵛiy anᵛgnik rek, tip ak aspiyn. ⁴ Sosim ar gunap apay gok sek, nusind nupis yes yerer giy tikey wip anᵛiy apay gok sek anᵛgey, kirginiᵛiy. Minim kun gok anᵛiy, penpen nep apay. Gor biynimb dinimuᵛ minim ar ak anᵛgey, yomb ginimuᵛ ak pen; minim kiyk apay kun gok niᵛiy, Gor nup gosimb niᵛningiy ak ma mindip. ⁵ Pen biynimb gok suᵛ-tep mindiy, Gor nup di mindmaᵛgiy yimb ay, mindrep gem-biyap yip tep gipkop. ⁶ Pen gunap kinjeᵛ tep ar kun ak kirgiy, minim yikop okok anᵛ amiᵛ apiy gipay. ⁷ Chin Gor low tiysa gok mindon apay ak pen, minim apay gok, minim junᵛ aspun ak anᵛiy, niᵛrep ma gipay.

⁸ Chin kun ak rek ma ginjun. Gor low minim nuk anᵛgak ak, tep yimb mindip ak pen; low minim nep anᵛiy, minim nup gunap kirginiᵛgambun ak, tep ma giniᵛgamb. ⁹ Per low minim apun ak, biynimb mindrep gipay gok kuyip ma apun; biynimb monmon gipay gok kuyip apun. Biynimb mindrep ma giy, timey

gipay, chip ñapay, nonim nop kiyk key pikaypay,
¹⁰ biyn siy bi siy gipay, biynimb singil wan gipay,
 biynimb yesek angyi akan, yerer giying minim
 ninind yimb ak kirpay. ¹¹ Minim ninind yimb
 apiyn kun ak, Jiysis Krays minim tep ak. Gor
 Biyomb melik sek ak, biynimb direp giyn angyi
 yip angek, minim tep kun ak angñirapiyn.

Gor Pol Nup Simb Niñak

¹² Biyomb chin Jiysis Krays, yip niñek wonḡ
 nup ak gep rek ayek; wonḡ kun ak anḡay kond
 mindakniñ gipiyn ak, nup tep apiyn. ¹³ Nind
 mindrep ma yimb giyingipiyn. Gor biynimb nup
 gok kuyip timey giy, Gor nup anḡjiwiy giyingipiyn.
 Pen Gor nup ma niñiy, minim anḡak kiñiñ ak ma
 niñiy genik mey, yip simb niñiy dak. ¹⁴ Kun ak
 yand bi tep mer ak pen, biynimb nuk gok kuyip
 per gip rek, yip gos tep ñek, nup gosimb niñiyiñ,
 biynimb gok kuyip wasemb aypiyn. Kun ak nup
 tep yimb aspiyn.

¹⁵ Minim ninind yimb niñiy, pisnep
 diniḡgambun bap anḡniñ gispiyn. Krays Jiysis
 biynimb man ar biy, tap siy tap timey gipay
 gok kuyip, diniñ owak. Bi tap siy tap timey
 yomb yimb giyingip ak mey, yand nep. ¹⁶ Pen
 yip diniñ anḡak, “Bi tap siy tap timey yimb gip
 ak nup den mey, anḡniñgambay, Jiysis chinup
 kunep diniñgamb angyi, yip ker apey, kuyip
 den, perper mindeniñgambay anḡak.” ¹⁷ Kun ak,
 Gor nuk Biyomb yimb; misen ma niñbun; ma
 kumniñgamb; nuk nokom Gor ninind yimb ak,
 nup perper nep yimb dand aranjun. Tep.

Timotiy Nup Minim Bap Angak

18-19 Ñiyand Timotiy. Nip minim bap angning gispiyn. Bi Gor minim anjep gok, nip angyak rek nep ginimin. Minim yip ak diy, mindrep giy, Gor nup gosimb niyning, biynimb nup alemb alemb ñimbay gok kuyip, angnirep ginimin. Biynimb gunap mindrep ma giy, Gor kuyip gos ñimb ak kirgiy, apyap pikpay. ²⁰ Haymeniyas yip, Aleksanda yip kun ak rek gerik angnik, “Kun gipiy ak, chin yip jimñiy lotiw ma giningayr. Nirip kirgon, Seytan kind ak mindiy, miker yimb gek, Gor nup anjjiwpiyr ak, kirginimiyr rek ayip angnik.”

2

Lotiw Gep Miñ Ar Ak

¹ Kun ak nen, Gor nup angninying, tep angying gi mindenjun. Nup angnion; gapman biyomb gok, biynimb yikop gok mangiysek, kond mindonimuj. ² Kond mindakniñ, chin kapkap mindrep giy, Gor nup gosimb niyning mindonjun. ³ Gor Biyomb chinup simb niyiy dip ak; ⁴ biynimb okok keykey mindpay rek den, gos tep ak niyñan angyi niñimb.

⁵ Yenen: Gor nokom bap mindip. Pen bi nambnimb ak, kunep nokom bap mindip. Gor piskind ak mindip, chin biynimb gok piskind ak mindpun; bi nambnimb chin mey, Ñinuk Jiysis Krays. Nuk biynimb mangiysek di Nop yip jimñiy ayin angyi kumak. ⁶ Nind minim kun ak, ma niyningipay ak pen; biynimb niyñan angyi, Ñinuk nup yokek apiy, chinup nen kumek mey, misen niñbun. ⁷ Niñind yimb apiyn. Ar kun ak, Gor

nep yip angek, bi Jiysis minim dand amemb ak mindiy, biynimb miñmon keykey okok kuyip anğñirapiyn.

⁸ Minim bap pen, bi gok miñmon okok mañgysek Gor nup chingrep giy, miluk ma niñiy, penpen ma angyi, Gor nup anğniñyng mindeniñgiy.

⁹ Pen minim bap, biyn gok kapkap mindrep giniñgiy. Mindrep giniñg, junkas malikiy, chech tep, biys, tap gol diy giyak gok ma ayniñgiy; ¹⁰ Gor nup gosimb niñbun angyi, kapkap mindiy, biynimb gok kuyip direp giniñgiy.

¹¹ Gor minim anğniñgiy won ak, biyn gok kapkap mindiy, niñniñgiy. ¹² Yand biyn gok kuyip angen, tikjakiy bi gok kuyip kond mindiy, minim ma anğñimbay. Kiyk kapkap mindiy, minim apay ak niñbay. Gipiyn kun ak, kiñiñ ak anğniñg gispiyn. ¹³ Gor Andam nup nind gay, kisen biynuk Yiyp nup gayak. ¹⁴ Pen Seytan minim tom gak ak, Andam ma dak; biynuk nep minim yesek angak kun ak diy, tap siy tap timey gek, Andam kisen gak. ¹⁵ Pen biyn gok ñapan tikyng, Gor nup gosimb niñyng, suñ-tep mindey amek, kuyip diniñgamb.

3

Bi Gor Biynimb Nuk Kond Mindep Gok

¹ Biynimb Gor nup woñg giy, biynimb nup gok kuyip kond mindonjun angyi niñbay gok, gos tep yimb niñbay. ² Pen nimb bi Gor biynimb nuk gok kuyip, kond mindeniñgiy gunap dun angyi, bi yikop gok ma dinimimb; bi minim sayn

gos niñrep giy, minim aṅgñirep giniñgiy rek gok niñiy dinimimb. Bi minim sayn tep, tap timey ma giy, ñiṅg kilis kuṅay ma ñimbiy, biynimb okok wasemb ay, biyn kiyk nokom diy, biynimb gunap niñey tep gek, kuyip aṅjiwñiñgiy rek ma aynimuṅ, bi gok niñiy dinimimb.

³ Pen bi kalrimey jiwpay gok, penpen apay gok, ñiṅg kilis ñimbiy sakiy aypay gok, gur-maniy nep gos niñbay gok ma dinimimb. Bi tep mindrep giniñgiy rek aynimuṅ gok niñiy dinimimb. ⁴ Bi ñapan kiyk amyong gok kuyip, kond mindrep gey, ñapan kiyk gok pen bapiy niñind aṅgiy aṅgiy, niñdiniñgiy bi gok niñiy dinimimb. ⁵ Pen bi biyn ñapan kiyk key gok, kond mindrep ma giniṅgambay ak; Gor biynimb nuk gok kuyip, yergiy kond mindrep giniṅgambay?

⁶ Bi Gor nup kisen nep chingipay gok ma dinimimb. Bi kisen nep chingipay kun gok, biyomb mindpun aṅgiy, Gor nup kirgiy, apyap pikniñgiy rek ayip. Seytan nind biyomb mindpiyn aṅgiy, Gor nup kirgek, aṅgyokak rek ak, kuyip giniṅgamb. ⁷ Bi dinimimb kun gok, biynimb Gor ker ma mindpay gok niñiy, bi tep aṅgiy niñbay gok kuyip dinimimb. Yikop ak, Seytan gek, biynimb Gor nup ma dipay gok kuyip aṅjiwey, apyap pikniñgiy rek ayip.

Bi Diykon Gok

⁸ Nimb bi diykon don, biynimb kond mindeyan aṅgiy, bi yikop gok diy, wong kun ak ma aṅgaynimimb. Biynimb niñey mindrep giy, ñiṅg kilis kuṅay ma ñimbiy, minim yesek ma aṅgiy, maniy tap gok yand nep diyn aṅgiy gos ak ma

niñiy, ⁹ Gor minim niñind yimb ak, direp gipay gok nep niñiy dinimimb. ¹⁰ Kun ak woñg sikoy gunap anğayem, yergiy rek giniñgambay ak niñiy, anğem diykon woñg ak giniñgiy.

¹¹ Pen biyn kiyk gok kunep, ñiñg kilis kunay ma ñimbiy, biynimb gunap kuyip ma anğjiwiyy, minim yesek ma anğiy; minim niñind yimb anğiy, mindrep giniñgiy. ¹² Pen bi diykon gok biyn nokom diy, biyn amyong kiyk gok kuyip, anğey mindrep giniñgiy. ¹³ Bi diykon woñg tep giniñgambay gok, biynimb namb ak yimb tep ak diy, Jiysis Krays nup direp giyiñg mindeniñgambay.

Biyomb Chin Gosimb Niñbun Ak Key Yimb Gip

¹⁴ Kasek niniñgayn rek ayip anğiy, nip minj tiksipiyn. ¹⁵ Pen kasek ma niniñgayn ak, minj biy niñiy, chin Gor biynimb nuk yimb gok, biynimb nuk gunap yip yergiy rek mindenjun anğiy, niñrep giniñgamban. Chin Gor biynimb nuk gok, jimñiy korip sap kilis yimb rek mindon mey, minim niñind yimb nuk ak, kurginimuy rek ma ayip.

¹⁶ Minim tep chin niñbun ak key yimb. Jiysis Krays Nop yip mindiy, bi yimb ay misen owak. Kun giy apek enjol gok niñyak. Gor Kawnan nuk ak, biynimb gok kuyip anğak, “Gor Ñinuk wip anğak.” Minim tep nup ak, miñmon okok anğñey amnakniñ, nup gosimb niñyak. Nop nup dand andkind miñmon tep nuk biyon amnak.

4

Biyningb Gor Minim Tep Ak Angñispun Angiy, Minim Yesek Apay

¹ Gor Kawnan angak ak misen niñbun. Ñin kisen ak awakniñ, Gor nup gosimb niñbun ak kirgiy, kichekiy malñiluk nop kiyk Seytan gos yesek ñimb ar ak, kisen giying angñiningambay. ² Biyningb minim yesek angñimbay kun gok, nambiñ ma gip. Minim yesek nep ang dand amiy, monmon yimb angñimbay. ³⁻⁴ Kiyk apay: bi gok biyn ma diy, biyn gok bi ma diy, tap keñmañgiy gunap asikrep giniñgiy apay. Pen Gor nuk asikep minim kun ak rek ma angak. Tap keñmañgiy gay, biyningb minim yipul yimb nuk ak niñiy, nup gosimb niñbay gok, di nup tep angying ñiñningambay. Yenen: tap nuk gayak gok mañgiysek, tep anep gayak. ⁵ Nup angniñbun rek, minim nuk angip ak, tap kun gok suñ nep mindip ak mey, ñimbying mindeniñgambun.

Biyningb Gok Kuyip Angñirep Ginimin

⁶ Minim kun ak, mam ay gok kuyip angñirep giniñgamban ak mey; Gor minim tep angñey, Jiysis nup gosimb niñnak miñ tep ak direp giying, Krays Jiysis bi minim angñemb, tep bap mindeniñgamban. ⁷ Pen minim yikop, Gor nup angjiwpay gok, ma ang amiy apiy ginimin. Gor nup nep gosimb niñmindenimin. ⁸ Biyningb eksays yikop gipay gok, kilis gunap dipay ak pen; biyningb Gor nup chiñgun angiy tapin gey amimb gok, miñiy mindrep giy, kisen mindrep giy giniñgambay. ⁹ Minim niñind kun ak, niñrep

yimb ginjun. ¹⁰ Gor gek, mindrep giningambun gos ak niñiy mey, kilisrimey yimb giy nep gon amimb. Nuk bi gin yimb, biynimb miñmon keykey mindpay rek, diyn anğiy niñakniñ, biynimb nup gosimb niñbay gok, mañgiysek di nuk yip jimñiy ayip.

¹¹ Minim aspiyn biy, biynimb Gor ker mindpay gok anğñenimin niñningiy. ¹² Biynimb gunap, nip bi paranj anğiy, minim nip kirginingiy rek ayip ak, niñrep ginimin. Pen mindrep giy nep gey amek, biynimb Gor nup chingipay gok; nup gosimb niñban rek, minim tep apan rek, biynimb wasemb aypan rek, mindrep gipan rek niñiy; kuyip tep gek kunep giningiy.

¹³ Niningayn ak pen, yip kond mindpan ñin biy, Gor biynimb nuk gok kuyip, Baybol buk minim ak riyt giying, junj ak anğñirep giying mindenimin.

¹⁴ Gor nup wong gining genak ñin ak, biyomb gok Gor nup anğniñning, ñin jun ar nip ak ay, Gor nip kond mindakniñ, biynimb gok kuyip anğñirep giningamban anğyak. Bi Gor minim anğep gok kunep, kun ak rek anğyak. Kun ak, Gor nip gos tep ñimb rek, sakiy ma ginimin; minim nup ak monmon anğñinimin. ¹⁵ Wong nup kun ak, girep genimin, biynimb gok niñey tep gek, minim nip ak diningambay. ¹⁶ Gor anğip rek giying, minim niñind nup ak, anğñirep giying gey amek mey, nak sek, biynimb anğñimban gok sek Gor yip, mindrep giningambim.

5

Biynimb Gok Kuyip Gos Winjikniñg, Niñchikiy

Ma Anġninin

¹ Bi nop day gok kuyip, ma aġġ ginimin; nap nak key ak rek, aġġirep ginimin. Bi paranj gok kuyip, ma aġġ ginimin; namam nak key ak rek, aġġirep ginimin. ² Biyn gok, nanim sikop kuyip, aġġirep gipan rek aġġinimin. Biyn piñ gok, nanay nak key gok yip, mindrep giy aġġimban rek, aġġinimin.

Biyn Yandiw Gok Kuyip Minim Anġak

³ Biyn yandiw ñapan ma mindip gok kuyip, kond mindrep ginimin. ⁴ Pen ñapan kiyk gunap mindeniġiy, kuyip aġġenimin, Gor nup gosimb niñbay rek, nonim akan, nupis sikop, kuyip yimangiyak rek, pen kond mindrep giniġiy. Kun geniġgambay mey, Gor nup tep giniġgamb.

⁵ Biyn yandiw key asiy yimb mindpay gok, Gor chinup kond mindeniġgamb aġġiy, pumbnamb kisyimken nup aġġniġyiġ nep mindpay. ⁶ Pen biyn yandiw miñmiñ girapay gok, kim mindpun aġġiy niñbay ak pen, kumiy kurginiġiy rek mindip. ⁷ Minim kun biy, biynimb gok kuyip aġġey, biyn yandiw kiyk gok, kond mindey mey, biynimb gunap, kuyip niñchikiy ma aġġniġgambay.

⁸ Pen biynimb an, biynimb kiyk key yimb gok, direp ma giy, pen biynimb kiyk kiñiġ nokom gok, maġġyseġ direp ma gipay ak, Gor nup gosimb ak sakiy giy, mindrep ma giy mey, kun gipay. Biynimb Gor nup gosimb ma niñbay gok, timey yimb gipay kun ak rek, ma gipay.

⁹ Pen biyn yandiw gunap aġġniġiy, “Yimb chinup ak, biyn yandiw Gor nup woġġ gipay gok

yip tikem, Gor woŋg ginukniŋ, chinup tap ñiŋemb tap gok, ñinimimb angeniŋgiy,” niŋrep giy dinimimb. Biyn kun gok diniŋg, biyn tokiy bi nokom dey, kumyak gok nep dinimimb. ¹⁰ Pen biyn miñ tep ar ak nep giy, ñapan wasemb ay, biynimb okok nimb gok direp giy, biynimb Gor ker mindpay gok kuyip direp giy, biynimb kosyam mindiy, gospar ay mindpay gok kuyip, direp giy gipay gok nep dinimimb. ¹¹ Biyn tokiy ma aypay gunap, Gor woŋg ak giniŋgambun anŋniŋgambay ak pen; mind dand amiy, bi kisen dun anŋiy, Krays nup woŋg ak yiruk niŋiy, bi kisenimb diniŋgambay. ¹² Minim kiyk key nind anŋayak gok, timbrikniŋgambay ak, tep ma giniŋgamb. ¹³ Pen biyn yandiw tokiy ma aypay gok, woŋg kun ak giniŋg, yikop korip korip giranŋiy, biynimb gunap anŋjiwyiŋg, minim yesek kun gipay kun gipay anŋyiŋg, gi mindeniŋgambay. ¹⁴ Kun ak yand apiyn, “Biyn yandiw tokiy ma aypay gok woŋg kun ak ma anŋaynimimb apiyn.” Kiyk pen, bi kisenimb diy, ñapan tikiy, korip kiyk key woŋg giy, mindrep giniŋgambay. Mindrep giniŋgambay kun ak, biynimb Gor nup miluk niŋbay gok, kuyip anŋjiwniŋgiy rek ma ayniŋgamb. ¹⁵ Pen biyn yandiw gunap, Gor nup kirgiy, Seytan nup kisen gipay.

¹⁶ Minim bap, biyn Gor ker mindpay gok, biyn yandiw kiyk key mindonimuŋ, kiyk key kond mindeniŋgiy. Kun gey mey, biynimb Gor ker gok jimñiy, biyn yandiw key asiy yimb mindpay gok, kond mindeniŋgambay. Yikop ak, biyn yandiw kuŋay mindey, kosyam yimb kond min-

deningambay.

Biyomb Gor Nup Wong Gipay Gok

¹⁷ Biynimb gok kuyip angenimin, bi Gor nup wong gipay gok kuyip, ma kirginingiy. Gor minim angnirep gipay akan, Gor wong yerip gunap girep gipay gok, pey kuyip ak nirep giningiy.

¹⁸ Baybol buk tikiy angyak:

“Nimb kanj makaw ponind apiy, lays chinup gok tawsimb jakey, mangiy gok key ay, cheng gok key ay gan angy; ar kun ak gining, kanj lays chinup gok ningningambay angy, meng mingan kuyip ak, ma tiwningrimbiknimimb; wong gipay rek, gunap ningning ningningiy angyak.”

Pen minim bap angyak:

“Bi wong gipay gok, pey nemb angyak.”

¹⁹ Bi nokom bap nep, apiy angningamb, “Bi Gor nup wong gip ak, kun kun giy timey gip angonimun” ma ninimin. Biynimb ominal akan, ominal nokom rek niniy ap angeningiy, ninind apay rek ayip angy, ninnimimb. ²⁰ Pen bi Gor wong gipay gunap, tap siy diy tap timey geningiy, biynimb lotiw opay rek, mangiysek ninmindyakni, kuyip an gimin. Kun geningamban, gunap niniy nawil diy, kunep ma giningambay.

²¹ Pen bi yand gok, timey ma gipay; bi kiyk gok nep gipay angy, ma angnimin. Minim mindonimun, kiñ an ninrep giy nep angnimin. Nip minim kun biy, yikop ma aspiyn; Jiysis ak, Gor ak, enjol sun-tep nuk gok sek ninmindyakni aspiyn.

²² Pen bi Gor wong gep kisenimb gok dining, niñrep giy nep dinimin.

Biynimb gunap timey geniñgiy, nand yip ma giy, suñ-tep nep mindenimin.

²³ Pen nip tap minek minek giy, koñgiy siwip ak, ñiñg nep ma ñiñnimin, ñiñg wayn siskoy gunap sek ñiñnimin.

²⁴ Bi gunap mindrep ma gipay ak, kasek niñbun; pen gunap mindrep ma gipay ak, ma niñbun. Kiyk gipay ak, añg amiy apiy giyakniñ, niñniñgambun. ²⁵ Bi mindrep giy, biynimb kond mindrep giy gipay gok kunep, gunap nep niñbun. Pen mindrep gipay rek minim ak, weygiy mindonimuj rek ma ayip.

6

Bi Wong Yikop Giñemb Gok

¹ Biynimb Gor ker kalambis wong rek gipay gok kuyip angenimin, biyomb kuyip taw dand wiyak gok direp giniñgiy. Pen mindrep ma geniñgambay, biynimb gunap niñiy, Gor nup anñjiwiy, minim tep anñimbun ak, anñjiwiy giniñgambay. ² Pen biynimb Gor nup gosimb niñbay gok, bi Gor nup gosimb niñbay gunap kuyip, kalambis wong rek giñiyiñg, mam chin key gok yenen wong giñispun anñiy, ma anñniñgiy; mam tep chin Gor nup gosimb niñbay gok kondsipun anñiy, wong kuyip ak giñirep giniñgiy.

Tap Kunay Dun Anñiy Gos Niñbay

Minim tiksipiyn biy, biynimb gok kuyip anñirep ginimin. ³ Biynimb Biyomb chin Jiysis Krays minim anñak ak sek, Gor minim

per anğñimbun ak sek kirgiy, minim key gunap anğñimbay gok, ⁴ chin nep biynimb yomb mindpun anğiy, sakiy ay gos ma mindek, kun gipay. Kun ak biynimb gunap kuyip gos timey niñiy, penpen anğ amiy apiy giy, miluk yapek, penpen anğjiwpay. ⁵ Tap siy tap timey gi dand amiy, sakiy ayek, lotiw minim ak penpen yimb apay. Pen Gor minim ak anğiy, gur-maniy tap gok di nan-giy, mindrep giniᅇgambun apay.

⁶ Pen nimb mindrep ginjun anğiy, Gor anğip rek giy mey, kapkap nuk yip mindrep giniᅇgambim. ⁷ Amiy sikop chinup tikyak ñin ak, tap gunap dand ma winuk: pen kumniᅇgambun ñin ak, tap gunap dand ma amniᅇgambun. ⁸ Kun ak chech tap ñiᅇemb chin gunap mindonimuᅇ, tap chin rek mey sikoy ak anğjun. ⁹ Pen biynimb tap kuᅇay dun anğiy gos niᅇbay gok sakiy ayek, monmon gey amek, kimin tap ñiᅇniᅇᅇ apiy gon diy, yiwur yomb dipay rek ak kuyip giniᅇgamb. ¹⁰ Biynimb maniy tap gok gosimb niᅇbay gok, tap siy tap timey ar keykey gipay. Gunap gos kun ak niñiy, Gor nup gos ak kirgiy, mindrep ma gey, kuyip key simb timey yimb gip.

Permindep Miñ Ar Ak Ma Kirginimin

¹¹ Timotiy. Nand Gor binuk yimb ak, biynimb gunap gipay rek ma ginimin; bi suᅇ-tep nuk, nup gosimb niñiy, biynimb wasemb ay, kapkap mindpay rek bap minden anğiy, ar kun ak nep gey amnimuᅇ. ¹² Kosyam mindeniᅇgayn anğiy gos ak ma niᅇnimin; Gor nip diniᅇᅇ gek, biynimb kuᅇay niᅇmindyakniᅇ, Gor nup chiᅇgipiyn anğnak ak, nup ma kirginimin. Anğip rek, sakiy giy

nep gey amek mey, perper mindeningamban.
¹³ Gor Biyomb gek kim mindpun ak sek, Ñinuk Jiysis Krays Ponsis Paylat nup, minim yipund giy aᅅgak ak sek niᅅmindrikniᅅ, nip kilis giy aspiyn;
¹⁴ Gor minim tep ak, yipund giy mindip rek nep niᅅniᅅgiy aᅅgiy, gey amek amek, kisen Biyomb chin Jiysis Krays andkind winimuᅅ. ¹⁵ Jiysis andkind winiᅅgamb ñin kun ak, Nop nuk key aᅅgayak. Nuk Biyomb chin kun anep, bi tep yimb; biyomb yikop gok kuyip, maᅅgiyseᅅ kond mindip.
¹⁶ Pen nuk nokom kumnimuᅅ rek ma mindip; per yimb nep mindeningamb. Melik tep nuk ak, key yimb mindip; biynimb gunap nup ma yimb niᅅbay; kiᅅniᅅ siᅅak amniᅅgiy rek ma ayip. Nuk Biyomb key yimb ak, biynimb maᅅgiyseᅅ yimb nup ak, perper dand araniᅅgiy. Tep.

Biyimb Krays Ker Tap Kuᅅay Mindek Gok Kuyip Minim Aᅅgak

¹⁷ Biynimb gur-maniy tap kuᅅay mindip gok kuyip aᅅgenimin, chin nep biynimb key yimb mindpun aᅅgiy, tap kasek kurgip kun gok gosimb ma niᅅniᅅgiy; Biyomb biynimb kond minden, tap ma tikdek, mindrep giniᅅgiy aᅅgip anup, gosimb niᅅniᅅgiy. ¹⁸ Kun ak, kuyip aᅅgenimin, tap kuᅅay mindip rek, biynimb direp gun aᅅgiy, tap monmon ñiniᅅgiy. ¹⁹ Kun ak rek giy mey, miᅅniy mindrep giy, ñin kisen ak apeᅅ, Gor yip perper mindrep giniᅅgambay.

Wong Girep Ginimimb

²⁰ Timotiy. Gor minim tep ñin ar nip ayak ak, direp ginimin. Minim yesek kiyk niᅅrep

giy aspun aṅgiy, aṅg amiy apiy gipay gok, ma dinimin. ²¹ Biynimb gunap, minim yesek kiyk kun ak diyinḡ, Gor nup pisnep kirpay.

Gor nimbip simb niṅiy, kond mindonimuḡ.

**Kalam Baybol Buk Gor minim nuk kisin
angayak
The New Testament in the Kalam Language of Papua
New Guinea
Nupela Testamen long tokples Kalam long Niugini**

copyright © 1992 Wycliffe Bible Translators, Inc.

Language: Kalam

Dialect: central

Translation by: Wycliffe Bible Translators

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2015-01-06

PDF generated using Haiola and XeLaTeX on 21 Feb 2024 from source files dated 31 Aug 2023

1491c109-3ee2-5565-9b83-06c480168547